



Publicaziuns officialas dils 20-08-2021

Damondas da baghegiar

Nr. 122/2021

Datum da publicaziun: 20-08-2021
Patrun: Schmidt Marcus, 7174 S. Benedetg
Liug e parcelas: Sumvitg-S.Benedetg; 6079
Object: construcziun d'ina annexa vid stalla

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 20-08-2021

Cumissiun da baghegiar

Via Runcahez – Runé - Tuma

Ils 30 d'uost 2021 entscheiva l'Axpo Hydro Surselva SA cun la sanaziun dalla lingia Nadels – Runcahez. En ina secund'etappa vegn la lingia sin il tschancun Runé -Tuma sanada. Ord quei motiv resta la via serrada per tut il traffic naven dils **30 d'uost 2021 entochen la fin da november**. In passadi per pedunz ei duront las lavurs da sanaziun avon maun. Nus supplichein per e enonuschientscha e capientscha.

Sumvitg, 20-08-2021

Departament forestal

Societad da tir Vial Sumvitg

Tir obligatori 2021

La Societad da tir Vial Sumvitg envida al tir obligatori ils suandonts termins:

Anzeinza, ils 13 da matg 2021, allas 16.00–20.00

Dumengia, ils 29 d'uost 2021, allas 17.30–20.00

Adatg! Tiradurs obligai ston presentar il camond da tir sco era il cudisch da sittar resp. il carnet da prestaziun. Quei tir sa sulettamein vegnir sittaus mo quels dus dis. A tuts in bien siet gia ordavon e sin seveser a Plaun Petschen. *Societad da tir Vial Sumvitg*

Uniun da giuventetgna Sumvitg

Fiasta dil vitg a Sumvitg

Ils 28 d'uost 2021 organisescha l'Uniun da giuventetgna Sumvitg ina fiasta dil vitg per in e scadin. La fiasta ha liug sin plaz scola ed entscheiva allas 15.00. Ei vegn fatg grill, musica e stau da buna cumpignia. Nus selegrein sin Vossa viseta.

Fiasta dil vitg a Cumpadials

Dumengia, ils 22-8-2021, naven dallas 11.30 avon casa da scola a Cumpadials. Ustria cun gril, pulenta cun groma e star ensemen da cumpignia. L'uniun da cultura e sport da Cumpadials envida cordialmein tuttas convischinas e tuts convischins da Cumpadials e dalla vischnaunca alla fiasta dil vitg usitada. En cass da macort'aura ha la fiasta buca liug. Nus selegrein da Vossa viseta!

Uniun Archiv cultural Sumvitg

Invitaziun alla radunonza generala

L'uniun Archiv cultural Sumvitg envida commembras e commembers e tut tgi che ha interess alla radunonza generala che ha liug **sonda, ils 28 d'uost 2021 allas 15.00 en casa da scola a Surrein.**

Tractandas

1. Beinvegni
2. Elecziun da 2 dumbravuschs
3. Approbaziun dil protocol dalla radunonza dils 27-04-2019
4. Approbaziun dil rapport annual 2019-2020
5. Approbaziun dils rendaquens 2019 e 2020 e dil rapport dils revisurs
6. Fixaziun dalla contribuziun annuala
7. Tractaziun dil program da lavur
8. Tractaziun da propostas da commembras e commembers
9. Orientaziuns
10. Varia

Naven dallas 14.00 e sunter la radunonza ei igl archiv aviarts per tuts interessai. Sco purschida speciala laschein nus tedlar l'emissiun da radio dils 23 da fevrer 1980 "Ina viseta a Rabiun" (ca. 25 min). Suenter la radunonza ein tuts envidai ad in pign apero. Cordialmein envida la suprastonza.

Uniun Archiv cultural Sumvitg

Invitaziun

Alla 59-avla radunonza generala da Sumvitg Turissem, **venderdis, ils 27 d'uost 2021 allas 20.00** uras ell'ustria dalla Staziun a Sumvitg

Gliesta da tractandas

1. Beinvegni
2. Elecziun d'in dumbravusch
3. Approbaziun dil protocol 2020
4. Rendaquen 2020
5. Rapport dils revisurs
6. Approbaziun dil quen 2020
7. Preventiv 2021
8. Rapport dil president
9. Mutaziuns da commembers (as)
10. Elecziuns: 1 commember dalla suprastonza (reelecziun)
 1 commember da quen e gestiun (reelecziun)
11. Orientaziuns
12. Varia

Bugen sperein nus ch'in numerus diember da commemoras e commembers (era novizs ein beinvegni) resalvien quella sera en favur dil turissem.

Dil protocol dalla davosa radunonza generala sa vegnir priu investa tiel biro da Sumvitg Turissem durant las uras da spurtegl ni sut www.sumvitg-turissem.ch
Cordials salids

Sumvitg Turissem

Pleiv Sumvitg

«**Generaziuns s'entaupan**» ei il motto che nus dil cussegl pastoral havein elegiu per ina sentupada da pleiv. Bugen envidein nus Vus, caras vischinas e prezias vischins da far cuminonza cun nus **dumengia, ils 29 d'uost 2021, a Plaun Petschen**. Allas **10.30** festivein nus il survetsch divin cun il medem fil tgietschen. Ils sunatibas sunan durant il survetsch divin. Pils affons pigns tochen la tiarza classa havein nus organisau in pign program separau durant messa. Silsunter dat ei menaschi d'ustria cun gril per tuts. La ligiongia ed in pign dessert offerescha la pleiv. Per las bubrondas incassein nus prezis mudests. Nus sperein da saver far gust a biaras e biars da puspei seveser inaga e da saver star da cumpignia. Perquei schein nus gia uss cordial beinvegni a giuven e vegl. *Sur Saji, il cussegl pastoral e la suprastonza dalla pleiv*

Nus organisein bugen il transport cun autos, sch'ei fa basegns. Fagei aschi bien e s'annunziei tier Gabriela Lutz (081 943 10 26 ni 078 640 91 12). En cass da schliat'aura contactei la pagina d'internet dalla pleiv www.pleivsumvitg.ch. Lu han il survetsch divin e la grillada liug en halla e sin plaz scola a Rabius cun risguardar las prescripziuns da Corona.

Ludoteca Disentis/Mustér e contuorn e Biblioteca populara Disentis/Mustér e contuorn

Preavis:

Mesjamna, igl 1. da settember 2021, 13.00–17.00 ha liug in suentermiezdi dallas portas aviartas ensemen cun la biblioteca populara Disentis/Mustér e contuorn sut il motto: leger, zambergiar, giugar, tedlar, empruar. Informaziuns sin las paginas d'internet.